



Uunga • Til: Siulittaasoq Palle Jerimiassen / direktør Hans-Peder Barlach Christensen

Allattoq • Af: Svend Møller, konsulent

cc:

Ulloq • Dato: 20-05-2015

Una pillugu • Vedr.: **Kattuffiup aqqa ilisarnaataalu**

2014-imi aasap ukiallu ingerlaneranni KANUKOKA-p allattoqarfiani sulisut periarfissinneqarput suleqatigiikkuutaarlutik kattuffiup siunissami qanoq iluseqarnissaa suliaasaalu pillugit isummersoqatigiittarnissaminnut. Taasariiallit tamaasa mumeqattaarneqarput, aamma kattuffiup aqqa ilisarnaataalu mininneqaratik.

Taamatut misissuilluni oqaloqatigiittarnerni allattukkat ilaat matuma ataani suliareqqilaarlugit issuarneqarput.

### Ateq

Kattuffiup suulluunniit aqqa ilisarnaataalu inuit kattuffimmut qanoq isiginninnerannut qanorlu paasininnerannut amerlasuutigut aalajangiisuulluinnartarput.

**Maanna aqqa** “Kalaallit Nunaanni Kommunit Kattuffiat” (De Grønlandske Kommuners Landsforening) = KANUKOKA pingaartorsiorpaluttoq ilaasortarpassuaqarpalaartorlu kommunit 18-iugallarmata pissusiusunut tulluarpoq, taamanimi 1970-ikkut qiteqqunneranni inuiaqatigiinni nammagassanik suliasanillu agguaanerup nutaap atuutilernerani kommunit nukiminnik qitiusumik oqartussanut takutitsisariaqalermata.

Kommunit 18-iusimasut ullumi sisamangorlutik kattussimammata, naalagaaffeeqqanullu assingusumik agguagaammata, ateq atorneqartoq itsangalerpoq aammalu anginaagaasutut nipeqalerluni.

Kattuffiup atuunneranut siunertaasoq suli taannaagaluarpoq, tassa katersuuffiullunilu ataqatigiissaariffiunissaa – soorlu nunami qitiusumik oqartussaasut tungaannut attaveqarnermi. Kisiannili kommunit 18-iugallarmata KANUKOKA-mi nukersorfiusarsimasut ilarpassui maanna kommuninit sisamaasunit tigu-neqarsimammata aqqa naleqqussartariaqalerpoq kattuffiup kommunit aqqqissugaaneranni nutaami inissisimaffiligassaanut suliaasaanullu tulluarnerusunngorlugu.

**Ateq nutaaq** tassaasinnaalluarpoq “Kommunit Suleqatigiiffiat” – imaappoq kommunit peqatigiillutik isummagisariaqartitaminnik isummagisariaqakkaminnillu ingerlatseqatigiiffiat.

Ateq pineqartumut tunngatillugu tulluerneruvoq toqqaannarnerullunilu. Eqaanneruvoq kajumissaarerpallunnerullunilu. Aammalu peqatigiiffilerinermi ilutsinut takorloortakkatsinnut aalajangersimasunut pitut-torsimarpasinngilaq – kommunit akunnerminni qanoq ilusiliinissamik isumaqatigiissuteqarnissaannut ammanerorpasilluni.

Qanormi naalisarlugu taaneqassava – KSU, KOSU, KOMSU?

### **Ilisarnaat**

Kattuffiup ukiorpassuarni ilisarnaatigisimasaa tassaavoq rektangeli napasooq tungujortoq, pingasunik teqeqqulinnik sisamanik kattullutik K-nngortunik imalik, aammali titarnernik tallimanik ataatsimut aallaavilinnik ataatsimullunniit ingerlavilinnik takusassa qarfiusoq. Sumut assersuutaanersut eqqori-aruminarpoq.

Nutaamik ilisarnaasiorsinnaanermut tunngavilersuutaavoq kattuffiup atuunnerata nutaanik oqaasertalersorneqarneranik naleqqussarneqarneranillu malunnartitsiniarnissaq.

### **Nalilersuinissaq**

Atermik ilisarnaammillu allannortitsinissaq akerlilersorlugu tunngavilersuutaasinnaasut arlaqarput. Pingaartumik atermik allannortitsinissamut tunngatillugu aarleqqutigineqarsinnaavoq pissutsinut nutaanut ikaarsaaleruttorfimmi tamatuma arlaatigut ataavartumik ilisarnartumillu ingerlatsiniaraluarnermi akornusersuutaanissaa puullaqisitsinissaalu.

Kisianni naluneqanngilaq ataavassuseq ilisarnassuserlu sunaluunniit piffissamik pisariaqartitsisartoq – ateq ilisarnaalluunniit nutaaq sungiunniagassaasarpoq.

Unalu qularutissaanngilaq: KANUKOKA-p suussusia, pissusia qanorlu isigineqarnera ukioq manna sammineqartorujussuusussaammata pissusissamisoorlunilu piffissaalluarpoq atermik allannortitsininaaneq (ilisarnaatip allannorneranik kinguneqanngitsoornavianngitsoq) manna isumaliutigilluassallugu.